

"Sberbanka BH" u prvom polugodištu ostvarila 7 miliona KM dobiti

A. A. 16:29 / 16.08.2016.



Sberbank BH

"Sberbank BH" Sarajevo ostvarila je u prvom polugodištu 2016. godine neto dobit od 7,0 miliona KM.

Dobit je povećana za 84 posto u odnosu na isti prošlogodišnji period kada je iznosila 3,8 miliona KM.

Banka je povećala bruto prihode od kamata na 28,3 miliona KM nakon 26,7 miliona KM ostvarenih u prvom polugodištu 2015. godine. Bruto prihodi od naknada i provizija bili su 10,2 miliona KM i takođe su povećani u odnosu na prvo polugodište 2015. kada su iznosili 8,2 miliona KM.

Dobit banke iz poslovanja popela se na 28,1 miliona KM nakon što je u istom periodu prošle godine iznosila 24,7 miliona KM.

Istovremeno, rashodi iz operativnog poslovanja su povećani sa 15,8 na 16,4 miliona KM pri čemu su rast zabilježili troškovi proizvodnih usluga, dok su troškovi bruto zarada blago pali.

Ovo je i rezultat činjenice da je broj zaposlenih manji za 7 i bilo ih je na kraju

perioda ukupno 426.

Po osnovu troškova rezervisanja "Sberbanka" je ostvarila gubitak od 3,4 miliona KM, što je manje u odnosu na isti period godinu ranije kada je gubitak po ovom osnovu iznosio 3,7 miliona KM.

Banka je u posmatranom periodu povećala kapital za više od 7 miliona KM na 167,0 miliona KM.

"**Sberbank** BH" je u 100-postotnom vlasništvu "Sberebank Europe AG" iz Beča.

Biznis.ba / Avaz